

SLUŽBENE NOVINE

FEDERACIJE BOSNE I HERCEGOVINE

Izdanje na bosanskom, hrvatskom i srpskom jeziku



СЛУЖБЕНЕ НОВИНЕ

ФЕДЕРАЦИЈЕ БОСНЕ И ХЕРЦЕГОВИНЕ

Издање на босанском, хрватском и српском језику

Godina XVIII – Broj 60

Srijeda, 14. 9. 2011. godine
SARAJEVO

ISSN 1512-7079

VLADA FEDERACIJE BOSNE I HERCEGOVINE

1330

Na osnovu člana 19. stav 1. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 17. sjednici održanoj 5. septembra 2011. godine, donosi

UREDBU

O IZMJENAMA I DOPUNAMA UREDBE O ŠUMAMA

Član 1.

U Uredbi o šumama ("Službene novine Federacije BiH", broj 83/09, 26/10 i 38/10), u članu 4. stav 2. mijenja se i glasi:

"Saglasnost, na godišnji plan gospodarenja šumama, koji je korisnik šuma dužan dostaviti nakasnije do 30.11. tekuće za narednu godinu, daje Federalna uprava za šumarstvo u roku od 30 dana od dana prijema plana za šumskoprivredna društva koja imaju važeću šumskoprivrednu osnovu. Za preduzeća koja nemaju važeću šumskoprivrednu osnovu saglasnost daje Federalno ministarstvo poljoprivrede, vodoprivrede i šumarstva uz prethodno pribavljenu saglasnost Federalne uprave za šumarstvo. Radovi predviđeni godišnjim planom gospodarenja ne mogu se započeti bez saglasnosti Federalne uprave za šumarstvo odnosno Federalnog ministarstva poljoprivrede, vodoprivrede i šumarstva."

Stav 3. istog člana mijenja se i glasi:

"Usvojeni godišnji plan gospodarenja korisnik šuma je dužan u roku od 15 dana od dana usvajanja dostaviti Kantonalnoj upravi, federalnoj i kantonalnoj šumarskoj inspekciji i jedinici lokalne samouprave na čijem području će se izvoditi radovi predviđeni godišnjim planom."

Član 2.

Član 31. stav 1. mijenja se i glasi:

"1) Na području Federacije Bosne i Hercegovine poslove gospodarenja državnim šumama, do stupanja na snagu Zakona o šumama obavljaju šumskoprivredna društva (korisnici državnih šuma) koji su te poslove obavljali do momenta prestanka važenja Zakona o šumama ("Službene novine Federacije BiH", br. 20/02, 29/03 i 37/04)."

Član 3.

PRELAZNE I ZAVRŠNE ODREDBE

Sve saglasnosti i ugovori o prenosu poslova gospodarenja državnim šumama koji su u suprotnosti sa odredbama ove uredbe stavljuju se van snage.

Ova uredba stupa na snagu narednog dana od objavljinja u "Službenim novinama Federacije BiH".

V. broj 902/11
5. septembra/rujna 2011. godine
Sarajevo

Premijer
Nermin Nikšić, s. r.

1331

Na temelju članka 19. stavak 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 16. sjednici održanoj 24. kolovoza 2011. godine, donosi

ODLUKU

O RASPISIVANJU JAVNOG POZIVA

I.

U cilju sagledavanja stanja po pitanju registriranog radnog staža u Federaciji Bosne i Hercegovine za koji nije uplaćen doprinos za mirovinsko i invalidsko osiguranje i po tom osnovu sagledavanja potrebnih sredstava za uplatu istih, Vlada Federacije Bosne i Hercegovine će raspisati javni poziv.

II.

Javnim pozivom iz točke I ove odluke pozvat će se sve pravne osobe u Federaciji Bosne i Hercegovine, bez obzira na oblik organiziranja i vlasničku strukturu, kao i osobe kojima nije uplaćen doprinos za mirovinsko i invalidsko osiguranje, a pravni subjekt kod koga su bili uposleni više ne postoji, da na obrascima koji će biti sastavni dio Javnog poziva, dostave podatke o registriranom radnom stažu za koji nije uplaćen doprinos za mirovinsko i invalidsko osiguranje zaključno sa 31.12.2010. godine.

III.

Podaci i materijalni efekti koji se prikupe po okončanju Javnog poziva iz točke I. ove odluke poslužit će kao dokumentaciona osnova za zakonsko uređivanje materije dospjelih, a nenaplaćenih doprinosa za mirovinsko i invalidsko osiguranje.